




Сборник

**Акафист Пресвятой Богородице  
в честь иконы Ее «Почаевская»**

«Благовест»

2013

## **Сборник**

Акафист Пресвятой Богородице в честь иконы Ее «Почаевская» /  
Сборник — «Благовест», 2013

ISBN 978-5-457-78223-5

Пред иконой Пресвятой Богородицы Почаевская молятся о сохранении Церкви от ересей и расколов, от нашествия иноплеменных, об исцелении от слепоты как телесной, так и духовной, об освобождении из плена и заточения, о сохранении Российской Державы, об исцелении неизлечимых недугов, застарелых болезней, о вразумлении отпавших от веры Православной и о возвращении заблуждших в Церковь, о помощи во всякой скорби и печали.

ISBN 978-5-457-78223-5

© Сборник, 2013  
© Благовест, 2013

## Содержание

|                                   |    |
|-----------------------------------|----|
| Кондак 1                          | 6  |
| Икос 1                            | 7  |
| Кондак 2                          | 8  |
| Икос 2                            | 9  |
| Кондак 3                          | 10 |
| Икос 3                            | 11 |
| Кондак 4                          | 12 |
| Икос 4                            | 13 |
| Конец ознакомительного фрагмента. | 14 |

# **Акафист Пресвятой Богородице в честь иконы Ее «Почаевская»**

Рекомендовано к публикации Издательским Советом Русской Православной Церкви  
(ИС 13-316-2299)

## Кондак 1

Взбранной Воеводе родов христианских и страны нашей известней Избавительнице хвалебныя песни принесем, вернии, на святей горе Ея собравшися; Ты же, яко имущая милосердие неизреченное, о Владычице Богородице, моления нашего, пред чудотворным Твоим образом возносимаго, не отвержи, да в умилении сердец зовем Ти: Радуйся, Похвало Почаевская и всего мира надеждо и утешение.

## Икос 1

Архангел Гавриил пер́вее «Ра́дуйся!» тебѣ приноша́ше, Влады́чице, егда́ зача́тие Сы́на Бо́жия благовествова́ше, по пресла́внем же Успе́нии Твое́м вся Небе́сныя си́лы ту́южде хвалу́ на Небеси́ Тебѣ непреста́нно прино́сят; ка́ко у́бо мы, гре́шнии, своя́ гла́сы с гла́сы безплóтных совокупити дерзне́м? Оба́че милосе́рдие Твое́ ко всем ка́ющимся помина́юще, устне́ наша со страхом и любóвию отверза́ем, глаго́люще си́це:

Ра́дуйся, милости бездно́; ра́дуйся, любве́ неистощи́мое мо́ре.

Ра́дуйся, ро́да христиа́нского благая́ Предста́тельница; ра́дуйся, оби́тели Поча́евския стено́ неруши́мая.

Ра́дуйся, правосла́вныя лю́ди на го́ру Поча́евскую у́зами любве́ привлека́ющая; ра́дуйся, всякую печа́ль от душ их отгоня́ющая.

Ра́дуйся, Ея́же чудотво́рный о́браз, я́ко звезда́, от горы́ Поча́евския нас путево́дствует; ра́дуйся, Ея́же возноси́мая молитвы́ стра́стныя прило́ги вско́ре отража́ют.

Ра́дуйся, явле́нием Свои́м на горе́ сей лю́ди утѣшившая; ра́дуйся, след стопы́ Твоея́ на ней нам оста́вившая.

Ра́дуйся, ве́рных при́сное дерзнове́ние; ра́дуйся, сумня́щихся до́брое утвержде́ние.

Ра́дуйся, Похвало́ Поча́евская и всего́ мира наде́жду и утеше́ние.

## Кондак 2

Ви́деша пусты́нницы поча́евстии и протѣц Ио́анн Бо́сый Пресвяту́ю Богоро́дицу,  
на скалѣ́ во о́гненном сто́лпе явля́ющуюся, след стопы́ Ея́ лобыза́ху и водо́ю, зде истѣ́кшею,  
окропля́ющеся, вопия́ху Бо́гу: *Аллилу́иа*.



## Икос 2

Ра́зум недоразумева́емый о явле́нии Твое́м, Влады́чице, и́щуще, в сицевом упова́нии  
утвержда́ется, я́ко пе́рвое от ага́рян, по́слежде от ерети́ков опло́т Правосла́вия на горе́  
Почаевстей утверди́ти благоволи́ла еси́; сего́ ра́ди в Твой святы́й храм приходя́ще, те́плою  
ве́рою сердца́ наша исполняем, глаго́лющи:

Ра́дуйся, и́стинныя ве́ры утвержде́ние; ра́дуйся, злове́рия я́вное обличе́ние.

Ра́дуйся, дре́вле в неопали́мей купине́ Синайстей извести́вшаяся; ра́дуйся, христиа́ном  
в сто́лпе о́гненном zde яви́вшаяся.

Ра́дуйся, я́ко в пещи́ горя́щей, росо́ю спасе́ннии, Авраа́мстии о́троцы Тя предвозве-  
сти́ша; ра́дуйся, я́ко водо́ю от сле́да стопы́ Твоея́ исцеле́нии благода́ть Твою́ пропове́даша.

Ра́дуйся, зе́млю на́шу, дре́вле от ага́рян разоре́нную, явле́нием Твои́м тогда́ утёшившая;  
ра́дуйся, и ны́не мно́гими знаме́ньми моля́щихся zde ободря́ющая.

Ра́дуйся ка́ющихся ско́рое услы́шание; ра́дуйся, подвижа́ющимся по́мощь и при-  
бе́жище.

Ра́дуйся, и неве́дущих вразумле́ние; ра́дуйся, и малоду́шных укрепле́ние.

Ра́дуйся, Похвало́ Почаевская и всего́ мира наде́жду и утеше́ние.

## Кондак 3

Си́лу сугу́бья благода́ти яви́ла еси́, Влады́чице, на горе́ Поча́евстей, егда́ ме́сто явле́ния Твоего́ по трѣх стех лѣтах чудотво́рною ико́ною Своёю обогати́ла еси́, ю́же руко́ю святі́теля Неофи́та Ёлли́на, из Москвы́ грядуща́го, пе́рвее боля́рыне Анне дарова́ла еси́, пото́м же от нея́ во оби́тель Поча́евскую прия́ла еси́, ра́дующимся лю́дем и пою́щим Бо́гу: *Аллилу́иа*.

## Икос 3

Имѹще в до́мѹ своѣм ико́ну Твою́, Влады́чице, боля́рыня А́нна, и исцелѣ́ние от неѣ́ сле-  
порожде́нному брату́ своему́ Фили́ппу бы́вшее уве́девши, а́бие ду́хом ре́вности о сла́ве Твое́й  
возгоре́ и оби́тель из ка́мене во и́мя пречестна́го Успѣ́ния Твоего́ пусты́нником поча́евским  
устро́яет, в не́йже чудотво́рному о́бразу Твоему́ поклони́ющися, вызы́вает си́це:

Ра́дуйся, сокрови́ще бога́тное в Твое́й святе́й ико́не нам препода́вшая; ра́дуйся, свя-  
ти́теля руко́ю дарова́нным о́бразом Твои́м зе́млю на́шу освяти́вшая.

Ра́дуйся, ду́ши на́ша от земна́го бога́тства отвраща́ющая; ра́дуйся, сла́ву Бо́жию пе́ти  
нас навча́ющая.

Ра́дуйся, я́ко чудеса́ Твоя́ зря́ще, к Небеси́ серде́цы свои́ми восхища́емся; ра́дуйся, я́ко  
во оби́тели Твое́й, а́ки в преддвѣ́рии ра́я, обрета́емся.

Ра́дуйся, правосла́вныя лю́ди ико́ною Твое́ю утѣшившая; ра́дуйся, от всех стран  
моля́щися лю́ди во оби́тель Поча́евскую призыва́ющая.

Ра́дуйся, Ё́юже ве́ра умно́жается; ра́дуйся, Ё́юже уны́ние отго́нится.

Ра́дуйся, ино́ков почаевскихъ прі́сное ра́дование; ра́дуйся, мирскихъ лю́дей непосты́дное  
упова́ние.

Ра́дуйся, Похвало́ Поча́евская и всего́ ми́ра наде́жду и утѣше́ние.

## Кондак 4

Бу́ря ере́тическаго не́истовства на святу́ю оби́тель Твою́ устреми́вшись, Влади́чице, святу́ю ико́ну Твою́ руко́ю злых иконобо́рцев плени́вши и на злохуле́ние тех подвигши, вско́ре гне́вом Бо́жиим уде́ржана бысть, егда́ невиди́мая си́ла безсту́дне пи́ршествующия ху́льники, аки Артаксе́ркса и И́рода, сля́че и в недуг вве́рже, над святы́нею Твое́ю руга́вшихся и не уве́девших пе́ти: *Аллилу́иа*.

## Икос 4

Слы́шаша ино́цы поча́евстии и вси правосла́внии лю́дие, я́ко свята́я ико́на Твоя́ по се́дмина́десятих лѣ́тах ерети́ческаго пленѣ́ния во святу́ю оби́тель от посрамлѣ́нных хули́телей возвра́щается, а́бие на срѣ́тение ея́ изыдо́ша и плач свой на ра́дость прело́жше, вопия́ху Тебе́:

Ра́дуйся, христиа́ном прибе́жище; ра́дуйся, ерети́ков обли́чение.

Ра́дуйся, оби́тель Почаевскую иконы Твоея́ до конца́ не лиши́вшая; ра́дуйся, злоху́ление иконобо́рцев посрамив́шая.

Ра́дуйся, я́ко в бедах не уныва́ти и нас науча́еши; ра́дуйся, я́ко правосу́дию Бо́жию ве́ровати нам повелева́еши.

Ра́дуйся, Е́юже Правосла́вие во странѣ́ нашей утверди́ся; ра́дуйся, Е́юже и вся вселѣ́нная вопло́щенную И́стину прияти сподоби́ся.

Ра́дуйся, долготерпѣ́ние Бо́жие подража́ющая; ра́дуйся, в терпѣ́нии лю́ди Твоя́ утвержда́ющая.

Ра́дуйся, я́ко смире́ннии Тобо́ю утешѣ́ние приѣмлю́т; ра́дуйся, я́ко гордели́вии Тобо́ю смиря́ются.

Ра́дуйся, Похвало́ Поча́евская и всего́ ми́ра наде́жду и утешѣ́ние.

## **Конец ознакомительного фрагмента.**

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.